



Departamento di
Enseñansa Aruba

Plan di Comunicacion pa Scol Arubano Multilingual (SAM) ANEXO B

Resumen



1. Introduccion

Na aña 2018 Aruba lo conoce un cambio den enseñansa; ta trata di implementacion di Scol Multilingual den tur scol primario na Aruba. E implementacion aki ta influencia/impacta diferente grupo meta. Den e plan di comunicacion aki lo amplia riba e miho manera pa trece informacion dilanti na e grupo meta concerni.

2. Instancia encarga pa informa y involucra cada grupo meta

Grupo Meta	Encarga pa informa y involucra	Medio di comunicacion
Parlamento y Comision Parlamentario di Enseñansa	Minister cu sosten di Departamento di Enseñansa	Informacion y documentacion, contesta riba pregunta
Departamento di Enseñansa, Inspectoria, IPA y directivanan	Minister (pa e parti formal)	Carta of otro documento formal tocante decision tuma
Personal di Departamento di Enseñansa, Inspectoria, IPA y directivanan	Cada director	Trayecto di informacion y profesionalisacion
Cabesante y scolnan primario	Cada directiva, cu sosten di facilitadornan di DEA y di CDPC (IPA)	Trayectonan di sosten, guia y profesionalisacion segun fase di implementacion
Otro instancianan di enseñansa, di gobierno of NGO's cu tin vinculo cu e scolnan primario	Minister cu sosten di Departamento di Enseñansa	Presentacion directo Invitacion directo pa cambio/update den medianan di comunicacion relaciona cu SAM
Mayor y tur otro individuo involvi cu enseñansa primario (incluyendo maestro y comunidad en general)	Seccion Informatie en Voorlichting di Departamento di Enseñansa, den cooperacion estrecho cu Buro Minister, Funcionario di PR di IPA, Funcionario di Blended Learning di IPA y Mediadienst di Biblioteca Nacional	Website di SAM Facebook page di SAM YouTube channel di SAM Comunicado di prensa Radio Video Pop-up video
Prensa	Seccion Informatie en Voorlichting di Departamento di Enseñansa, den cooperacion estrecho cu Buro Minister	Comunicado di prensa Invitacion directo pa cambio/update den medianan di comunicacion relaciona cu SAM

3. Meta y mensahe principal

Informa y conscientisa comunidad di Aruba tocante implementacion di SAM, relacion entre siñamento y idioma, e curiculo nobo y e modelo multilingual.



Mensahe principal

Cambio di e curiculo, un modelo di idioma multilingual y un forma di duna les nobo den enseñansa primario di Aruba ta indispensabel pa un ciudadano di mundo satisfecho, responsabel, critico y creativo cu ta coopera den relacionnan multicultural y multilingual pa aporta na bienestar di su mes y di comunidad.

4. Strategia y medionan di comunicacion

Medio di comunicacion	Bentaha	Ehempel di contenido
Website	Accesibel constantemente Informacion confiabel di un manera interactivo y directo Flexibilidad den orario cu ta bishita e website Chens pa midi cuanto biaha ta bishita un articulo/pagina (trafico di website). E mesun informacion riba e website di DEA y IPA of otro medionan di comunicacion	Kico ta SAM; e beneficio di SAM pa Aruba; fase di SAM FAQ Slogan y Logo di SAM Video di mucha, maestro persona clave Noticia (comunicado di prensa) Contacto Link pa Facebook/YouTube
Pagina di Facebook	Publico grandi den un temporada cortico Accesibel pa tur hende Cantidad ilimita di fans cu por "like" bo pagina Facebook ta gratis Buskeda cu palabra clave ta hiba na e pagina Chens pa propaganda di un manera specifico pa cada grupo meta (<i>doelgericht adverteren</i>) directo y barata Opcion pa uzo di diferente metodo pa publica un mensahe, e.o. texto cu potret, video, slideshow etc Por monitorea dato di estadistica di cada post	Introduccion di comunicado cu su link pa website Video Logo Facebook cover
Comunicado di prensa	Impacto riba persona di edad mas halto y/of persona cu no ta familiar cu medio social Forma rapido di comunica y informa Publica un comunicado di prensa ta gratis	Introduccion di SAM (kico SAM ta encera, slogan, motivacion pa escogencia prikichi) Desaroyo di SAM conhuntamente cu directiva di scol
Canal di YouTube	Video viral ta distribui lihe pa un publico grandi Por uza facebook pa yuda e video haya popularidad mas lihe	Video di alumno y maestro di scol piloto Video informativo di persona clave relaciona cu SAM
Radio	Un publico grandi den un tempo cortico Por haya cooperacion den corto tempo Radiospot creativo ta capta atencion	Jingle cu ta menciona slogan di SAM y website unda por haya mas informacion
Pop-up video	"Obligacion" pa wak e video pa 5 seconde Por click riba e video y asina haya mas informacion	Mira: Video



Cartoon video	Imagen ta capta atencion mas facilmente cu texto y por trece e mensahe miho dilanti Ta mas facil pa ilustra visualmente un topico cu ta dificil pa splica. Oportunidad pa profila un organisacion of producto mas miho. Informacion ta completo y confiabel. Un video ta mas personal. Por pidi _____ di BNA, cu ta experto den cinematografia (e. o. filma, edita etc.) pa duna sosten na e produccion.	Cartoon video SAM den cua e mascota di SAM (e prikichi sabi) ta trece e informacion tocante implementacion, beneficio y contenido di SAM na un manera atractivo, comico pero sabi. Lo enfoca riba pakico SAM ta traha na bienestar di e desaroyo di e muchanan di Aruba.
---------------	---	---

5. Estilo

Tur material di comunicacion, e. o. comunicado, video, relato etc., cu tin di haber cu SAM mester contene e logo di SAM y su slogan pa asina e ta reconocibel.

6. Planificacion di tempo y presupuesto

Lo sigui elabora e planificacion di tempo y e presupuesto necesario pa informa Minister mas pronto posibel

7. Monitoreo di efecto y resultado di informacion

Durante e periodo di orientacion lo monitorea e cantidad di trafico di website, facebook, youtube etc. pa mira si e strategia di comunicacion tin e efecto cu kier mira. Na final di e periodo di orientacion di SAM lo evalua si e medionan di comunicacion tawatin efecto door di reparti un encuesta. Den e encuesta lo midi e siguiente puntonan:

- > Si e persona sa kico ta SAM
- > Si e persona tin suficiente informacion di SAM
- > Unda e persona a tende di SAM
- > Kico e persona ta opina di SAM.